



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

De peculiaribus officiis Collegiorum 132 [i. e. 131]

urn:nbn:de:hbz:466:1-34315

ordine prædicens, simulque officium Missæ celebrent, quo equaliter omnes Caoro atque diuinis adstringantur.

Roff. Primum fundatio Metropolitanæ Collegij Colonensis, fundata in verbo Dei, & Canonibus sacris, requirit, ut omnes Clerici in eo, & ad hunc finem ministrerent, vt populus Christi partim in ciuitate, partim ruris in Ecclesiis Metropolitanæ Ecclesiæ coniunctis & concreditis, in Christiana doctrina ædificetur, idque per maximè idoneos homines, qui ad hoc inueniri possunt, optima item ratione ac forma quæ excogitari queat: quæ semper per Archiepiscopum imprimis moderari debet. Iam Presbyterale ministerium ad prædicandum & docendum peculiariter est à Spiritu S. institutum, vt iam antea demonstratum est. Neque requirit Liber, ut prædicandi munus ab iis, qui spirituali Episcopi officio immediate funguntur, remoueatur, sed potius ut denuò recte illis imponatur.

De nostra vocatione ac ministerio, & similium Episcoporum, supra dictum est. Summum quidem Episcopale munus Ecclesiæ, hoc est, suprema cura & inspectio, humeris nostris incumbit: sed simul etiam Electoralis vocatio & officium. Quod, prout & Ecclesiæ, & ditionum, quibus præfecti sumus, res hoc tempore comparata sunt, cum voluntate Dei deserere, & ad prædicandi munus, ad quod à Domino vocati, & donati non sumus, nos applicare non possumus.

Ex his vnicuique Christiano obuium est videre, Librum, dum duos Canonicos Presbyteros ad prædicandi ministerium ordinat, nihil quod foundationi Metropolitanæ Collegij Colonensis, vel canonibus contrarietur, ordinare. Eadem ratio est eius, quod constituit ut duo Officio Sacrae Missæ, ac duo Theologicæ Lectioni præsint.

In eo verò quod ordinat, ut duo constituantur, qui Collegio & Capitulo consilio adfiant, negotiaque eius temporalia expediant, & sint quasi eius Syndici, nonnihil quidem à vero Presbyterali ministerio declinavit, ad munus Diaconorum & Subdiaconorum, vel potius Oeconomorum. Quamvis Liber non postulet, ut tales ad istud ministerium applicentur, qui idonei sunt ad verum Presbyterale munus obeundum. De Præbendis loquitur, quarum nulla nunc verò Presbyterali ministerio dicata & destinata est. Si verò iuxta nostram ordinationem sex istæ Præbendæ, ad verum Presbyterale ministerium, reliquæ item duæ, ad utile & reale ministerium Ecclesiæ redirent, nihil haberent Aduersarij, quod de hac nostra ordinatione iure conquererentur.

Choro quoque adstrictos volunt Aduersarij Presbyteros, quod tamen in Concilio Romano Excommunicationis poena damnatum est, In sancta dist. 92. *De peculiaribus Officiis Collégiorum.*

C A P.

C A P . C X X I .

NONÒ, Liber Reformationis Præposito Metropolitanæ Ecclesiæ imponit, ut intendentiam habeat ad Ecclesiæ & Scholas, bonaque tam Ecclesiæ, quam quæ scholis destinata sunt, pro necessitate administrare.

Ia calumniantur Aduersarij, perinde ac si respicere in scholas, idèò à scholastico sublatum sit: quasi que velimus administrationem bonorum capitularium, & Præbendarum abrogare, & rursus omnia soli Præposito permittere. Atque hoc pacto contra iuramenta & obligationes agere.

Præpositus tanquam summus ab Episcopo Prælatus, iurare quidem debet, in administratione omnium que ad verum Ecclesiæ ministerium pertinent: verum in suo gradu, & iuxta modum præfinitum. Ne quis id circò in suo munere, vel destinatis piebendis offendatur, sed ut omnis eiusmodi offendit euitetur.

Calumniantur & hoc quoque, quasi Liber de Officio Decani commemorat, eisque committit, ut diligenter prospiciat, quo Concionatores optimi Ecclesiis designentur. Scribunt, id potius ad Episcopale officium pertinere.

Quasi vero Episcopus, non multis ad hanc rem Adiuteribus indigeat, præsertim vero præcipuis Prælatis: quasi etiam eiusmodi opem auxiliumque Episcopo ferre, non imprimis ad supremum Archipresbyterum pertineat.

De Vicariis.

C A P . C X X I I .

DECIMVM, quod Aduersarij accusant, est Viciarum commutatio. De ea paulò ante, in defensione septimæ partis dictum est. Verum hoc loco aliquid addicunt, nempe, mutare vicarias, non esse in nostra potestate. Quod & contra verbum Dei, & contra sacros Canones dicunt, qui singulis Episcopis iniungunt, ut omnes oblationes & dona fidelium, simul cum Ecclesiæ ministeriis semper ad ædificationem totius populi, pietatisque profectum instituant.

Amplius adiiciunt, neque malum, neque contemendum officium fore, si attente assidueque laudes diuinæ cantarentur, & precibus in Ecclesia Deo supplicaretur.

Etiamsi cantiones & Lectiones iste sacris Scripturis essent consonantæ, & ad edificantem totius populi intellectum instituerentur, & expidirentur: Nihilominus tamen cantare & legere nō potest esse ex officio, ac ministerio Presbyterorum, quorum proprium munus est, predicationi Euangelij, & discipline Christianæ incumbere, vñà cum distributione Sacramentorum. Canere enim & legere ad inferiores Clericos pertinet, quemadmodum Concilium Romanum recte decreuit, in sancta Distinctione 92.